



“Is mór an cion oibre é UCD a shuíomh mar ionad barr feabhais domhanda i margadh atá iomaíoch thar cuimse, cion oibre ar oibrigh pobal UCD go hiomlán air gan stad.”

Réamhrá leis an Dr Hugh Brady, Uachtarán UCD

Ár bhFís

Laistigh de roinnt laethanta tar éis oscailt Ollscoil Chaitliceach na hÉireann in 1854, d’fhiafraigh an Cairdinéal Newman - cén fáth a bhfuilimid anseo? Bhí ár n-obair ar fhrámaíocht Phlean Straitéiseach UCD 2005-2008 bunaithe ar fhreagra comhaimseartha a aimsiú ar an gceist sin. Tá lúcháir mhór orm a thuairisciú go bhfuil dul chun cinn an-mhaith a dhéanamh again i dtreo ár spriocanna i ngach gné den Phlean.

Táimid anois i lár tréimhse an-spreagúil do UCD. Mar a bhí ag Newman lena linn féin, tá fís shoiléir againn de na háiteanna inar féidir le UCD difir shuntasach a dhéanamh agus cur le hÉirinn agus leis an domhan. Is mór an cion oibre é UCD a shuíomh mar ionad barr feabhais domhanda i margadh atá iomaíoch thar cuimse, cion oibre ar oibrigh pobal UCD go hiomlán air gan stad.

Tá tuairim is 23,000 mac léinn cláraithe anois sna cúig Choláiste agus 35 scoil. Tá fiche cúig faoin gcéad de na mic léinn ag déanamh staidéar iarchéime agus tá pobal taighde UCD anois ar thús cadhnaíochta sna hiarrachtaí idirnáisiúnta chun na teorainneacha eolais a leathnú.

Leanann UCD ar aghaidh ag mealladh mic léinn eisceachtúla. Ar a n-uain, bíonn timpeallacht teagaisc agus foghlama rompu a uasmhéadaíonn a gcumas, a leathnaíonn a bhfiosracht agus a chomhlíonann a ngá le heolas. Tá sármhaitheas ár gcláir ceathrú leibhéal ag déanamh rogha níos tarraingtí de thaighde agus staidéar iarchéime go leanúnach. Lean níos mó ná leath de ranganna 2007 ar aghaidh le breisoideachas nó breisoiliúint.

Táimid tiomanta a bheith inár n-ollscoil diantaghde Eorpach ar thús cadhnaíochta, a thiomáineann nuálaíocht agus fionnachtain chruthaitheach laistigh de phobal de thaighdeoirí den scoth. Cuireann sármhaitheas agus sainiúlacht an taighde i UCD, chomh maith lenár suíomh ar thús cadhnaíochta in oideachas iarchéime sa tír seo

agus san Eoraip, leis na spriocanna sóisialta, eacnamaíocha agus cultúrtha de shochaí an eolais.

Mhéadaigh an líon de mhic léinn idirnáisiúnta ag freastal ar UCD go beagnach 3,300, méadú de 4% ar 2005/06. Tagann na mic léinn seo as 110 tír éagsúil.

Ar bhealaí eile, ba bhliain mhór í, nó chuir UCD deireadh lena cheangal de 124 bliain le hArdán Phort an Iarla i lár chathair Bhaile Átha Cliath. Táimid ag leanúint ar aghaidh lenár bpleananna uailmhianacha chun campas Belfield a fhorbairt mar ionad dinimiciúil 24/7 maireachtála agus foghlama i gcroílár phobail bheoga acadúla agus áitiúla.

Thógamar céimeanna breise i dtreo chomhlíonadh ár sprice i dtaobh an campas a fhorbairt ina shaoráid den scoth. Faoi threoir uileghabhálach ár bPlean Forbartha Campais, tháinig togra dearfach ón ailtire Gearmánach Christoph Ingenhoven mar thoradh ar chomórtas idirnáisiúnta don Gateway Project. Cuirfidh a dhearadh, a bhuaigh an comórtas, cumas ar Gateway Project UCD eispéireas na foirne agus na mac léinn a athrú, an pobal áitiúil a shuibhriú agus cur le forbairt shóisialta, eacnamaíochta agus chomhshaoil chathair Bhaile Átha Cliath agus Chontae Dhún Laoghaire - Ráth an Dúin.

In áiteanna eile ar a gcampas tá roinnt tionscadail mhóra ar siúl, mar shampla cruthú an Cheantair Eolaíochta. Críochnaíodh roinnt eile go sainiúil, mar shampla athchóiriú Theach Belfield.

Thug an Plean Náisiúnta Forbartha 2007-2013 (PFN) cuntas ar an tiomantas leanúnach ar thaighde agus infheistíocht do thionscadail chaipitiúla san earnáil ardoideachais. Tacaíodh leo seo leis an Straitéis Eolaíochta, Teicneolaíochta agus Nuálaíochta, a foilsíodh sa bhliain 2006. Tá fís ar chúl an dá dhoiciméad, fís atá agam féin chomh maith, a tharraingíonn aird an domhain ar Éirinn i dtéarmaí shármhaitheas ár dtaighde agus á chur i ngníomh chun sochair na sochaí.

Seoladh Timthriall a 4 den Chlár um Thaighde in Institiúidí Tríú Leibhéal, a mhaoineigh an tÚdarás um Ard-Oideachas, sa bhliain 2007 agus fuair UCD beagnach €30 milliúin le haghaidh tionscnaimh chlauchtaithe sna heolaíochtaí agus sna daonnachtaí. Cuirfidh an t-infheistiú tráthúil seo i mbonneagar ceathrú leibhéal agus taighde le forbairt na hÉireann mar shochaí bheoga an eolais.

Cur i nGníomh Phlean Straitéise 2005-2008

Táimid anois i bhfad níos mó na leathbhealach tríd an tréimhse den phlean reatha a leagann amach fíis i dtír réimse ina ndéanfaidh UCD a dhícheall bheith



i dtús áite:

- Teagasc agus Foghlaim;
- Taighde;
- Tionchar ar shochaí na hÉireann.

Baineadh amach sár-dhul chun cinn leanúnach i rith na bliana seo caite.

UCD Horizons, -- bhí ár gcuirclam modúlaithe, eagraithe i seimeastair agus bunaithe ar chreidiúint an-rathúil ar fad agus rinneadh 85% de na cláir múinte iarchéime a mhodúlú le go ndéanfaí iad a sheachadadh sa bhliain acadúil 2006/07. Fuair mé spreagadh faoi leith ó na bealaí samhlaíochta ina bhfuil Scoileanna ag comhoibriú chun réimsí éagsúla ábhair a chur le chéile agus ón bhfócas ar chlár shainiúla trí thorthaí foghlama.

Rinne UCD an cinneadh mór roinnt blianta ó shin gur i dtaighde atá a thodhchaí. Is é taighde anois croílár an méid atá a dhéanamh againn. Forbraíonn sé ár gcumas chun foghlama, chun polasaí a fhoirmiú agus chun nuálaíochta. Mhéadaigh an luach iomlán de chonarthaí taighde 16% le bliain anuas le taobh 2005/06.

Agus muid ar an institiúid oideachais is mó sa tír, tá cuid mhór dár bhfoireann ar thús cadhnaíochta i réimsí de ghníomhaíocht náisiúnta

agus idirnáisiúnta, áit a gcuireann siad a n-eolas ar aghaidh agus a thairgeann siad a ndearcadh agus a gcomhairle. Ag leibhéal na mac léinn chomh maith, bhí fás suntasach ar chlár agus ar ghníomhaíochtaí chun saoránacht agus rannpháirtíocht pobail a fhorbairt.

Taighde

Tá UCD ag leanúint ar aghaidh ag tógáil ar a chlú mar rogha áite do phríomh-thallann taighde, ag cur timpeallacht ar fáil ina féidir le ceannairí taighde nuálú agus sárú. Táimid ag cruthú comhpháirtithe agus comhoibriúcháin spreagúla oideachais agus taighde le heagraíochtaí acadúla agus tionsclaíochta, ag feabhsú muiníne san ollscoil mar áit don infheistiú caighdeánach agus ag déanamh ceannaire náisiúnta de i maoiniú taighde.

Bhí rath mórthaibhseach orainn in aimsiú maoiniúcháin ó raon leathan foinsí. Tá roinnt shuntasach díobh seo ann le haghaidh tionscadail taighde chomhoibritheacha. Tá sárobair ar siúl agus tá aithint a thabhairt don obair sin ó phiará in Éirinn agus thar lear. Bhí dul chun cinn dearscnaitheach déanta chomh maith i dtráchtáil taighde.

Caighdeán na Mac Léinn

Ag am ina bhfuil déimeagrafaic shochaí na hÉireann ag tairiscint rogha níos mó do mhic léinn ag an tríú agus an ceathrú leibhéal ná a bhí ann go dtí seo, tá na mic léinn leis an gcumas is mó ag teacht go UCD go fóill. Mhéadaíomar ár scair den mhargadh d'ardghnóthachtálaithe le níos mó ná 456 mac léinn ag baint níos mó ná 545 pointe amach san ardeistiméireacht nó a choibhéis. Bhí forbairt eiseamláir earcaíochta mac léinn-lárnach mar mhórfhócas, ceann a raibh mar aidhm aige dul i dteagmháil le mic léinn ionchasacha ag am a rogha le caighdeán níos fearr agus teagmháil níos inrochtana.

Eispéireas na Mac Léinn

Tá an Ollscoil ag leanúint ar aghaidh lena infheistiú mór i bhforbairt fhisiceach agus mheabhrach, sláinte agus leas na mac léinn i UCD. Éiríonn an rogha ó thaobh spóirt agus cumainn de níos mó le gach infheistiú mór atá ar siúl le haghaidh saoráidí a fheabhsú.

Leathnaíodh an tseirbhís comhairleoireachta mac léinn go suntasach agus tá tionscnaimh ar siúl chun mothú pobail níos fearr agus comhchuspóir ar champas a fhorbairt. De réir mar a fhásann an ollscoil, éiríonn tógáil an phobail níos tábhachtaí leis chun mothú ár gcomhoibriú a thógáil agus chun cur leis na pobail níos leithne atá thart orainn.

A Soilse, Rí Harald V ón Iorua ar cuairt in UCD, in éineacht leis an Dr Hugh Brady, Uachtarán, UCD

Ag bronnadh Ghradam Teagaisc an Uachtaráin (clé go deas): An Dr Oonagh Breen, UCD An Scoil Dlí, An Dr Katherine O'Donnell, UCD Scoil na Córa Sóisialta, An Dr Hugh Brady, Uachtarán UCD, An Dr Debra Laefer, UCD Scoil na hAiltireachta, na Tirdhreacha agus na hInnealtóireachta Sibhialta, agus David Jennings, Leas-Stiúrthóir, Ionad Teagaisc agus Foghlama UCD

Céimeanna oinigh agus dámhachtainí

Le linn na bliana, thug UCD onóir do raon leathan de dhaoine a rinne cion tairbhe suntasach don saol Éireannach agus idirnáisiúnta i réimsí gnó, spóirt, eolaíochta, na n-ealaíon agus eolaíochta beatha. Ina measc bhí an t-údar mór le rá, Maeve Binchy, ar bronnadh an bonn Foundation Day uirthi. Thug sí roinnt scéalta siamsúla faoina laethanta mar mhac léinn in Ardán Phort an Iarla do Farewell to the Terrace, leabhar comórtha a foilsíodh le linn na bliana.

Maeve Binchy lena fear céile, Gordon Snell, tar éis di bonn Foundation Day UCD a fháil



Foireann

Braitheann ábaltacht spriocanna ár bplean straitéisigh a bhaint amach go hiomlán ar chaighdeán fhoireann UCD – foireann acadúil, riaracháin, theicniúil agus tacaíochta – a thugann tacaíocht dár n-iarachtaí. Is tosaíocht é ar fud na hollscoile earcaíocht and coinneáil daoine sármhaithe a chothú.

Tá caighdeán ár dteagaisc múnlaith ag an taighde. Na mic léinn is fearr ná iad sin a fhaigheann teagasc ó na múinteoirí agus ó na taighdeoirí is fearr. Earcaímid na múinteoirí agus taighdeoirí is fearr trí mhaoiniú agus tacaíocht a thabhairt dá n-obair thaighde i dtimpeallacht ilchineálachta, smaoiniamh criticiúil agus oscailteacht i dtaobh smaointe.



Conclúid

Chuaigh UCD go mór chun feabhais go mór le linn na tréimhse seo ó chomhairle chríonna agus thaithí an Údarais Rialaithe agus a chathaoirleach, Kieran McGowan. Is mór againn a dtacaíocht.

Táimid anois ag teacht amach as tréimhse ina raibh athrú mór ann agus corraíl agus clampar i gceist in amanna. Ní bheadh na tionscnaimh shuaithinseacha go léir a críochnaíodh indéanta gan dúthracht agus diongbháilteacht cuid mhór de chomhoibrithe na foirne.

I mo thuarascáil anuraidh, thug mé mo thuairim go raibh an ollscoil ar tí tosú ar thréimhse i bhfad níos cruthaithí, tar éis don ollscoil dul chun cinn ollmhór a dhéanamh, ach go mbeadh céimeanna de dhíth go fóill. Creidim go bhfuil an tréimhse seo faoi lán seoil anois agus go bhfuil obair thiomanta na dtaighdeoirí, na múinteoirí agus na mac léinn ag tabhairt clú níos fearr de shíor do UCD ar fud na réimsí dianiarachta acadúla go léir.

I dtuarascáil mar seo, níl sé indéanta cuntas a thabhairt ar gach rud a bhíonn ar siúl san ollscoil. Táimid uile mar pháirt de phobal mór ilchineálach atá ag fás, ina bhfuil méideanna móra daoine le chéile ag déanamh cion tairbhe dár gcomhchuspóir - comhrathúlacht do UCD. Tá mé fíorbhuíoch díbh go léir.

Hugh R. Brady

Hugh Brady
Uachtarán